



ATASSUT

UPA 2016/101-1

Siverth K. Heilmann

15. 04. 2016.

Inatsisartut inatsisaat nr. xx ulloq xx. xxx 2016 uumassusillit sananeqaataasigut kingornuttagaasunik isumalluutit tamatumunngalu atatillugu suliniutit pillugit.

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Uumassusillit sananeqaataasigut kingornuttagaasunik isumalluutit tamatumunngalu atatillugu suliniutit pillugit Naalakkersuisut inatsissaanik saqqummiussaaqarnerat imatut naatumik ATASSUT-miit oqaaseqarfigissavarput.

ATASSUT-miit Naalakkersuisut isumaqatigilluinnarpagut, siunertarineqarmat aammalu ilisimaneqarmat, uumassusilinnik assigiinngisitaartut nunatsinni peqarfeqarmat, matumanilu ilisimasaqarnerulersitsinissaq paasisimasaqarnerulersitsinissarlu siunertaralugit, nunani tamalaani tungaviusunut nutaatut tapiliussatoq maani inatsisartuni naammassiniarneqartoq.

Naalakkersuisuusimasugut inatsit 2006-imi inatsisartunut akueritissimasarput, paasinarsisimavoq nunarsuarmiit tamaneersunit ilisimatuunit Kalaallit Nunaannukarusullutik akuersissumik qinnuteqartoqartarsimasoq. Soqutiginninneq annertugaluartoq akuersissummik suli tunniussisoqarsimanngitsoq paasinarsivoq inatsit inuussutissarsiortuniit paasiuminaatsinneqartoq.

Ilisimaneqarpoq Ivittuut eqqaani kangerlummi **ensymit Ikka-mi nassaassaasut** tassanilu suli misiligutissanik paaasoqassappat pisariaqassasoq Ikka-p napasortaasa ilanngarterneqarsinnaaneri, Namminersorlutik Oqartussaniit Nalunaarut nr. 4, 12. April 2010-meersoq immikkut akuersissummik qinnuteqartoqarsinnaanera.

ATASSUT-miit oqaatigissavarput siunnersuut tamakkiisumik taperseratsigu aammalu pissusissamisoorluinnartut Nagoyami isumaqatigiissummut ilanngunnissarput isumaqataanerput nalunaarutigalugu.

Pisariaqartinneqarpat suliaq aappassaaneerneaqannginnermini ataatsimiititaliami susassaqartumi suliarineqassasoq ATASSUT-miit piareersimavugut.